

ERA BARU


DATE: 29/06/2007

KARIER POLITIK ANWAR SUDAH BERAKHIR


Oleh: **PEMBERITA POLITIK**

- Pak lah

Era Baru - 29/6/2007



"Anwar bukan lagi satu tarikan dan kini mungkin karier politiknya sudah berkubur"- Pak Lah



Dato' Seri Anwar Ibrahim... karier politiknya sudah berakhir?

BENARKAH karier politik bekas Timbalan Perdana Menteri, Dato' Seri Anwar Ibrahim telah berakhir seperti yang dinyatakan kepada pihak media oleh Perdana Menteri yang juga Presiden UMNO, Dato' Seri Abdullah Ahmad Badawi apabila menjawab soalan tentang kekalahan calon PKR, Tan Sri Khalid Ibrahim dalam pilihanraya kecil Dewan Undangan Negeri Ijok baru-baru ini. Pak Lah yang membuat lawatan singkat ke Melbourne, Australia berkata bahawa Anwar bukan lagi satu tarikan dan kini mungkin karier politiknya sudah berkubur.

Dengan ulasan Pak Lah itu secara tidak langsung peluang Anwar untuk di terima untuk menyertai UMNO semula sudah tertutup habis.

Nampaknya Anwar terpaksa melupakan UMNO sama sekali. Lagipun ahli-ahli UMNO yang telah memerhatikan gelagat Anwar belakangan ini yang tidak berhenti-henti menghentam dan mencemuh pemimpin-pemimpin UMNO terutama sekali Timbalan Perdana Menteri, Datuk Seri Mohd Najib Tun Razak dan sanggup menyarankan agar Dasar Ekonomi Baru (DEB) di bubarkan semata-mata untuk memenuhi kepentingan dan impiannya menjadi pemimpin nombor satu dalam negara dengan mengenyapkan dasar-dasar yang boleh membantu orang Melayu, telah mendapat bantahan keras dari orang-orang Melayu.

Orang Melayu menganggap perbuatan Anwar itu sebagai cuba mengkhianati bangsa sendiri. Adakah pemimpin seperti ini yang orang Melayu mahukan?